



## Անկախ աուդիտորական եզրակացություն

*“ՍՕՍ-Մանկական գյուղեր” հայկական բարեգործական հիմնադրամ  
2015թ. դեկտեմբերի 31-ի դրությամբ հաշվեփակված տարվա  
Ֆինանսական հաշվետվությունների վերաբերյալ*

*Ներկայացվում է “ՍՕՍ-Մանկական գյուղեր” հայկական բարեգործական հիմնադրամի  
վարչական խորհուրդին և ղեկավարությանը*

Մեր կողմից իրականացվել է “ՍՕՍ-Մանկական գյուղեր” հայկական բարեգործական հիմնադրամի (այսուհետ՝ Հիմնադրամ) ֆինանսական հաշվետվությունների աուդիտ, որոնք ներառում են 2015թ. դեկտեմբերի 31-ի դրությամբ ֆինանսական վիճակի մասին, նույն ամսաթվին ավարտվող տարվա համապարփակ ֆինանսական արդյունքների, սեփական կապիտալում փոփոխությունների և դրամական հոսքերի մասին հաշվետվությունները, ինչպես նաև ֆինանսական հաշվետվություններին կից ծանոթագրությունները:

### Ղեկավարության պատասխանատվությունը ֆինանսական հաշվետվությունների համար

Հիմնադրամի ղեկավարությունը պատասխանատու է Ֆինանսական Հաշվետվությունների Միջազգային Ստանդարտներին համապատասխան ֆինանսական հաշվետվությունների պարբաստման և ճշմարիտ ներկայացման համար: Այդ պատասխանատվությունը ներառում է էական խեղաթյուրումներից զերծ ֆինանսական հաշվետվությունների կազմումը, խարդախությունների և սխալների կանխման նպատակով համապատասխան ներքին վերահսկողության համակարգի մշակումը և կիրառումը, համապատասխան հաշվապահական հաշվառման քաղաքականության ընտրությունը և կիրառումը, ինչպես նաև համապատասխան հիմնավորված գնահատումների իրականացումը:

### Աուդիտորի պատասխանատվությունը

Մենք պատասխանատու ենք Աուդիտի Միջազգային Ստանդարտներին համապատասխան մեր կողմից իրականացված աուդիտի հիման վրա նշված Հիմնադրամի ֆինանսական հաշվետվությունների վերաբերյալ մեր արտահայտված կարծիքի համար:

Այդ ստանդարտներով պահանջվում է պահպանել էթիկայի կանոնները, պլանավորել և իրականացնել աուդիտը՝ ֆինանսական հաշվետվություններն էական խեղաթյուրումներից զերծ լինելու մասին ողջամիտ երաշխիքներ ձեռք բերելու նպատակով:

Աուդիտորական աշխատանքներն ընդգրկում են ֆինանսական հաշվետվություններում ու համապատասխան ծանոթագրություններում արտացոլված տվյալները հիմնավորվող փաստերի ձեռքբերման նպատակով մշակված ընթացակարգեր, որոնց ընտրությունը կախված է խարդախությունների և սխալների հետևանքով ֆինանսական հաշվետվություններում էական անճշտությունների ռիսկերի առկայության վերաբերյալ աուդիտորական գնահատումներից: Ռիսկի գնահատումները կատարելիս աուդիտորը մշակում է համապատասխան ընթացակարգեր ֆինանսական հաշվետվությունների կազմման և ճշմարիտ ներկայացման համար կիրառվող ներքին վերահսկողության համակարգի գնահատման և ոչ Հիմնադրամի ողջ ներքին վերահսկողության արդյունավետության վերաբերյալ կարծիք կազմելու համար:

Աուդիտորական աշխատանքներն ընդգրկում են նաև կիրառական հաշվապահական հաշվառման սկզբունքների և ղեկավարության կողմից կատարված գնահատումների, ինչպես նաև ֆինանսական հաշվետվությունների ընդհանուր ներկայացման գնահատումը:

Մենք համոզված ենք, որ մեր կողմից ձեռք բերված համապատասխան աուդիտորական ապացույցները բավարար հիմք են հանդիսանում մեր կարծիքն արտահայտելու համար:

### ***Չձևափոխված Գարծիք***

Մեր կարծիքով, կից ֆինանսական հաշվետվությունները բոլոր էական առումներով ճշմարիտ են ներկայացնում 2015թ. դեկտեմբերի 31-ի դրությամբ՝ “ՍՕՍ-Մանկական գյուղեր” հայկական բարեգործական հիմնադրամի ֆինանսական վիճակը, ինչպես նաև նույն ամսաթվին ավարտված տարվա ֆինանսական արդյունքները և դրամական հոսքերը՝ համաձայն ֆինանսական Հաշվետվությունների Միջազգային Ստանդարտների:

23 հունիս 2016թ.

«Փըրֆեքթ Աուդիտ» ՍՊԸ

Տնօրեն/աուդիտոր

Ա.Բաբայան

Բ.Երևան,

Տիգրան Մեծի 4

